

## Uunga siunnersuut:

### **Imigassaq pillugu Inatsisartut inatsisaata allanngortinnejarnissaa pillugu Inatsisartut inatsisaat**

(Imigassaq pillugu akuersissummi aalakoornartullip procentianik allannguineq, imigassanik aalakoornartortalinnik sassaalliinermi piffissamik ammaffiusumik allannguinermik erseqqissaaneq, imigassanik aalakoornartortalinnik tuniniaanerup sassaalliinerullu killilfersornissaa pillugu piffissamut aalajangersimasumut nuna tamakkerlugu nunalluunniit ilaannaanik malittarisassanik aalajangersaasinnaanerit, kiisalu Inatsisartut inatsisaanik unioqqutitsinerni aalajangersimasuni arsaarinnissinnaaneq)

### § 1

Imigassaq pillugu Inatsisartut inatsisaata nr. 35, 23. november 2017-imeersumi, Inatsisartut inatsisaatigut nr. 9, 12. juni 2019-imeersukkut allanngortinnejartumi, uku allanngortinnejarpput:

**1. § 9, imm. 1, nr. 3, ima oqaasertalerneqassaaq:**

”3) 5,09 % tikillugit tuniniaaneq: Imigassanik aalakoornartortalinnik 5,09 volumenprocent angullugu aalakoornartumik akoqartunik taamaallaat tuniniarneqarsinnaanerinut akuersissut.”

**2. § 10, imm. 1, nr. 3, ima oqaasertalerneqassaaq:**

”3) 5,09 % tikillugit sassaallieneq: Imigassanik aalakoornartortalinnik sassaalliisinnanermut akuersissut, tamatumani imigassalliissutigineqartoq ataaseq 5,09 volumenprocent angullugu kimittussuseqaqqusaanani.”

**3. § 26, imm. 1, nr. 4, ima oqaasertalerneqassaaq:**

”4) Ulluinnarni ullaat freerfiusussanut atasuni nal. 12.00-04.00. Ullaat freerfiit paasineqarput nalliuuttut, tak. § 2, imm. 7.”

**4. Kapitali 9-mi, § 41 kingorna ikkunneqarpoq:**

” **§ 41 a.** Nappaatit tunillaassortut akiorniarlugit iliuutsit pillugit Inatsisartut peqqussutaanni eqqaaneqartutut inuiaqatigiit nappaammut illorsorneqarnissaasa pisariaqalernerata malitsigisaanik nunamut tamarmut ilaannaanulluunniit piffissamut aalajangersimasumut imigassanik aalakoornartortalinnik tuniniaanermut sassaalliinermullu killilfersuineq utaqqiisaasumilluunniit inerteqquteqarneq pillugu malittarisassanik Naalakkersuisut aalajangersaasinnaapput.”

**5. § 43 ima oqaasertalerneqassaaq:**

” **§ 43.** Kalaallit Nunaanni pinerluttulerineq pillugu inatsimmi malittarisassat naapertorlugit akiliisitsinikkut pineqaatissiisoqarsinnaavoq:

1) Inatsisartut inatsisaanni § 3, imm. 1, § 7, imm. 1, § 8, § 11, imm. 1, § 15, imm. 1, §§ 16 - 18, § 19, § 1 imm. 2, §§ 20 - 25, § 26, § 1 - 4, § 29, § 30, §§ 31, imm. 1 aamma 2, § 34 aamma § 37-mik unioqqutitsisoqarpat.

2) § 32 malillugu inerteqqutinik malinninngitsunut.

3) § 35, imm. 1, aamma § 36, imm. 1 naapertorlugit peqqussutaasunik malinninngitsunut.

*Imm. 2.* Aalajangersakkanik ukuninnga unioqqutitsinermi aamma arsaarinnittooqarsinnaavoq: § 3, imm. 1, § 11, § 19, imm. 1, § 20, § 22, imm. 1, § 23, § 25, § 26, imm. 1 - 4, § 29, aamma § 30.

*Imm. 3.* Najoqqutassani Inatsisartut inatsisaat naapertorlugu atulersinneqartuni najoqqutassani aalajangersakkanik unioqqutitsinerit akiliisitaanermik arsaarinninnermilluunniit pineqaatissiissutaasinnaaneri aalajangersarneqarsinnaapput.

*Imm. 4.* Pinerluttulerinermi inatsimmi kapitali 5-imi malittarisassat malillugu ingerlatseqatigiiffit il.il. (inatsisitigut pisinnaatitaasut pisussaatitaasullu) pinerluttulerinermi inatsisitigut akisussaatinneqarsinnaapput. ingerlatseqatigiiffit il.il. (inatsisitigut pisinnaatitaasut pisussaatitaasullu) aamma akiliinermik pineqaatissiinermut atatillugu arsaarinninnermik pineqaatissinneqarsinnaapput.

*Imm. 5.* Imm. 1-4 naapertorlugu akiliisitsissutit arsaarinnissutilu Nunatta Karsianut nakkartinneqartassapput."

## § 2

Inatsisartut inatsisaat ulloq 1. juli 2022 atuutilissaq.

Namminersorlutik Oqartussat, ulloq xx.xxx. 2022

Naalakkersuisut Siulittaasuat